

তারাদের কথা

উত্তরবঙ্গ সংবাদ ১৪ সেপ্টেম্বর ২০২১ নয়



অনির্দিষ্টকালের জন্য স্থগিত রাজামৌলির ছবি

এসএস রাজামৌলির ম্যাগনাম অপাস 'আরআরআর' মুক্তি পাবে না এখনই। দুনিয়া জুড়ে সিনেমাহল এখনও ঠিকমতো খোলেনি। ভারতেই অনেক জায়গায় সিনেমাহল বন্ধ। তার উপর দর্শক সংখ্যাতেও নিয়ন্ত্রণ টানা হয়েছে। অতএব এমন একটা মেগাবাজেট ছবি মুক্তির এটা সঠিক সময় নয় বলেই মনে করছেন নির্মাতারা।

যদিও এই ছবির মুক্তির জন্য দিওয়ালি উইকএন্ড বেছে নেওয়া হয়েছিল। কথা ছিল ১৩ অক্টোবর ছবির মুক্তি হবে। সেই মতো ঝড়ের গতিতে চলছিল ছবির পোস্ট প্রোডাকশনের কাজ।

কিন্তু আপাতত মুক্তি স্থগিত। কবে যে মুক্তি ঘটবে, এখনও জানা নেই। নির্দেশকরাই জানেন না। পরিস্থিতি স্বাভাবিক না হলে এ ছবি আনা হবে না বলে জানিয়েছেন তারা। পরিস্থিতি কবে যে স্বাভাবিক হবে, তা অবশ্য তারাও জানেন না।

তবে এটাও ঠিক, 'আরআরআর' পর্দাতেই রিলিজ করা হবে। ওটিটি প্ল্যাটফর্ম এ ছবির স্ট্রিমিং রাইট কিনলেও, ওটিটিতে এ ছবির মুক্তি ঘটবে না বলেই জানিয়ে দিয়েছেন নির্মাতারা।



বন্ধু তারকার ব্যবসা দাঁড় করাচ্ছেন শাহরুখ



প্রিয় বন্ধু রীতেশ দেশমুখ আর জেনেলিয়া ডি সূজার পাশে এসে দাঁড়ানেন শাহরুখ খান। তাঁরা কী করছেন? এক নতুন ব্যবসা। একেবারে অভিনব ভাবনা তাঁদের। সেই ভাবনার প্র্যান্ড প্রমোশন কে করবেন? চিন্তায় ছিলেন দুজনই। মাঝখান থেকে শাহরুখ বললেন—ম্যাং হু না!

তা কী করছেন রীতেশ আর জেনেলিয়া? একেবারে আধুনিক প্রজন্মের জন্য সর্বাধুনিক খাবার নিয়ে আসছেন বাজারে।

মাংস তো সারা জীবন অনেক খেয়েছেন, কিন্তু আদতে সবজি, কিন্তু ধাঁচে মাংস এমন কিছু ভেবেছেন কি? এবার এই উদ্ভিঞ্জ মাংস তৈরি হয়ে গেল। দেখতে এবং খেতে একেবারে মাংসের মতো, তবে তৈরি হবে মটর, নারকেল তেল এবং অন্যান্য উদ্ভিঞ্জ উপাদান দিয়েই। তাঁদের এই নতুন উদ্যোগের নাম ইম্যাঞ্জিন মিটস। বহু বছরের চেষ্টার পর অবশেষে এই নতুন প্রজন্মের খাদ্য নিয়ে তাঁরা হাজিরা।

রীতেশ এবং জেনেলিয়ার সঙ্গে শাহরুখ খানের সম্পর্ক বেশ ঘনিষ্ঠ। এবার রীতেশ এবং জেনেলিয়ার নয়া ব্যবসা ইম্যাঞ্জিন মিটসকে নিয়ে ছোটখাটো বিজ্ঞাপনই দিয়ে ফেললেন কিং খান। সোশ্যাল মিডিয়ায় নিজের অ্যাকাউন্টে একটি ছবি শেয়ার করেন তিনি। সেই চিরাচরিত হাত ছড়ানো পোজ, তবে এবার ইম্যাঞ্জিন মিটসের দুই প্যাকেট দুই হাতে। বন্ধুদের নতুন উদ্যোগের জন্য অনেক শুভেচ্ছা, সম্পূর্ণ দলকে অনেক অভিবাদন।



ওপেনহেইমারকে নিয়ে ফিল্ম ক্রিস্টোফার নোলানের

ম্যানহাটন প্রকল্পে প্রথম পারমাণবিক বোমা আবিষ্কার করেছিলেন জে রবার্ট ওপেনহেইমার। তাঁকে ফাদার অব দ্য অ্যাটমিক বম্ব বলা হয়ে থাকে। দ্বিতীয় বিশ্বযুদ্ধের সময় তাঁর আবিষ্কার বদলে দিয়েছিল সারা বিশ্বে যুদ্ধের সংজ্ঞা। ফলস্বরূপ ধ্বংস হয়ে গিয়েছিল হিরোশিমা ও নাগাসাকি শহর। আজও সেই পরমাণু বোমা আবিষ্কারের জন্য নির্দিষ্ট হতে হয় ওপেনহেইমারকে। শোনা যায়, পরমাণু বোমা নিষেধের পর গীতার ব্রোক উচ্চারণ করেছিলেন এই বিতর্কিত পদার্থ বিজ্ঞানী। এইবার সেই ওপেনহেইমারকে নিয়েই পরিচালক ক্রিস্টোফার নোলান তৈরি করতে চলেছেন তাঁর আগামী ছবি। যদিও এটা পদার্থবিজ্ঞানের বায়োলজিক নয়। ছবির চিত্রনাট্য লেখা হয়েছে দ্বিতীয় বিশ্বযুদ্ধের প্রেক্ষাপটে। কাকে দেখা যাবে ওপেনহেইমারের চরিত্রে?



সেই বিষয়ে এখনও কিছু জানাননি পরিচালক।

গত দুই দশকে পরিচালকের সব ছবিরই প্রযোজক ওয়ার্নার ব্রাদার্স। কিন্তু ২০২১ সালের সমস্ত ছবির স্বত্ব বিষয়ে এইচবিও ম্যানুফেকচারিংয়ের কাছে রয়েছে এই প্রযোজনা সংস্থা। তাঁদের এই সিদ্ধান্তেই রুস্ত ক্রিস্টোফার নোলান। তাই এবার আর ওয়ার্নার ব্রাদার্স নয়। আগামী ছবি নিয়ে ইতিমধ্যেই বেশ কয়েকটি প্রযোজনা সংস্থার সঙ্গে আলোচনা করেছেন তিনি। সম্প্রতি করোনো অতিমারির মাঝেই মুক্তি পেয়েছে তাঁর ছবি 'টেনেট'।

এখন আফসোস করছেন নার্গিস

শারীরিক সমস্যা, তারপর করোনো অতিমারী। এই সবের মাঝে পড়ে বেশ কিছুদিন শুটিং থেকে অনেক দূরে রয়েছেন নার্গিস ফকির। এখন তিনি শারীরিকভাবে সুস্থ হলেও অতিমারীর জন্য কাজ শুরু করতে পারছেন না ঠিক করে।

তবে এর মধ্যে সেরে ফেলেছেন একটি চমৎকার কাজ। ঘোষণা না, তাঁর বিয়ের নয়। সম্পর্কের উদয় চোপড়ার সঙ্গে পাঁচ বছরের বন্ধন যে তাঁর জীবনের সর্বোৎকৃষ্ট সময়, তা নিজেই জানিয়েছেন নার্গিস। ভারতে আসার পর উদয়ের মতো এত ভালো মানুষ আর দেখেননি। কিন্তু আগে বলেননি কেন? নার্গিস বলছেন, লোকজন তাঁকে বারংবার বলেছিল, এই সম্পর্ক নিয়ে একদম নীরব থাকতে। কিন্তু তাঁদের কথা শুনে তিনি ভুল করেছেন বলে জানিয়েছেন নার্গিস। তাঁর আপশ্রেষ্ট হলে, কেন তিনি পাহাড়ভাঙে উঠে দাঁড়িয়ে চিৎকার করে এ কথাটা বলতে পারলেন না!



অমিতাভকে নিয়ে নেপালে শুটিং বরজাতিয়ার

অক্টোবর থেকে তাঁর সপ্তম ছবির পরিচালনার কাজ শুরু করছেন পরিচালক সুরজ বরজাতিয়া। 'উচাই'। এই ছবির শুটিং হবে নেপালে। টানা ৪০ দিনের শিডিউল।

এই ছবিতে মুখ্য ভূমিকায় থাকছেন অমিতাভ বচ্চন, অনুপম খের, বোমান ইরানি, ড্যানি, নীনা গুপ্তা, পরিতীতি চোপড়া এবং সারিকা। সুরজর সাধারণত যে ধরনের ছবি বানিয়ে থাকেন, এটা তেমন নয় একেবারেই। মূলত চার বন্ধুর গল্প। অমিতাভ, অনুপম, বোমান আর ড্যানি থাকবেন চার বন্ধুর ভূমিকায়। তবে ছবির কেন্দ্রবিন্দু হয়ে থাকবেন পরিতীতি। তাঁকে ঘিরেই ঘুরবে আলো।

নেপালের পরে ভারতের বেশ কয়েকটি জায়গায় হবে শুটিং। সামনের বছরের মার্চ মাসের মধ্যে শুটিংয়ের কাজ শেষ হওয়ার আশা। এই ছবির পরেই অন্যতম স্পন্সরের কাজটি শুরু করবেন পরিচালক, তাঁর 'প্রেম' সলমন খানকে নিয়ে। সেটি একটি ম্যারেজ ড্রামা। তবে এই 'উচাই' ছবিতে সলমন খান অতিথি শিল্পী হিসেবে আসতে পারেন, এমন সম্ভাবনা খারিজ হয়ে গিয়েছে।



বক্স অফিসে মুখোমুখি দেব-জিৎ



দুর্গাপুজায় বক্স অফিসে মুখোমুখি হতে চলেছেন টলিউডের দুই সুপারস্টার জিৎ এবং দেব। ইদে মুক্তি পাওয়ার কথা ছিল জিৎ-এর ছবি 'বাজি', কিন্তু করোনো অতিমারির কারণে সিনেমাহল বন্ধ থাকায়, ছবি রিলিজ করেননি তিনি। পুজোয় মুক্তি পাবে অংশুমান প্রত্যুখ পরিচালিত ছবিটি। টুইটারে দর্শকদের তাঁর ছবি মুক্তির কথা জানানো জিৎ। এরপরই অভিনেতা সহ ছবির পুরো টিমকে শুভেচ্ছা জানিয়েছেন দেব।

দুর্গাপুজায় মুক্তি পাওয়ার কথা দেবের ছবি 'গোলন্দাজ'-এর। নগেন্দ্রপ্রসাদ সর্বাধিকারীর জীবনী তুলে ধরা হবে এই ছবিতে। ধ্রুব বন্দ্যোপাধ্যায় পরিচালিত এই ছবি মুক্তি পাবে ১০ অক্টোবর। শুধু দেব অভিনীত ছবিই নয়, পুজোয় মুক্তি পেতে চলেছে প্রযোজক দেবের ছবি 'হুবুচন্দ্র রাজা গবুচন্দ্র মন্ত্রী'। ছবিটি মুক্তি পাওয়ার কথা ছিল অনেকেদিন আগেই। কিন্তু করোনো অতিমারির কারণেই পিছিয়ে যায়। ফলে বোঝাই যাচ্ছে, এই পুজোয় হাড্ডাহাড্ডি টক্কর বাংলায় দুই সুপারস্টারের। তবে তাঁরা যে একেবারেই বক্স অফিসে মুখোমুখি হন না তা নয়। ২০১৯ সালেই একসঙ্গে মুক্তি পেয়েছিল দেব-কল্পিতরী 'কিডন্যাপ' ও জিৎ-কোয়েলের 'শেষ থেকে শুরু'। নিজেদের পছন্দের অভিনেতা-অভিনেত্রীদের ছবি দেখতে সেই সময় হলুমুখী হয়েছিলেন দেব ও জিৎ-এর ডক্তরা। এবার কী হয়, সেটাই এখন দেখার!

বলিউদ তারাদের একহাত নিলেন রোহিত



তিনি বরাবরই যা বলেন, সামনে। ঘুরিয়ে কথা বলতে পারেন না। অত্যন্ত বাস্তববাদী। স্পষ্ট কথা স্পষ্টভাবে মুখের উপর বলে দিতে পছন্দ করেন তিনি। ঢেকেঢেকে কথা বলেন না মোটেও। সম্প্রতি একটি টাট শোয়ে অতিথি হিসেবে এসে তেমনই কিছু কথা বললেন পরিচালক রোহিত শেট্টি।

শো-তে এসে কিছু গুরুত্বপূর্ণ বিষয়ে আলোচনা করেন রোহিত। কথা বলেন বিখ্যাত তারকাদের চ্যারিটিমূলক কাজ নিয়েও। তাঁদের রাস্তার ধারে, মন্দিরের বাইরে দানখান করতে দেখা যায়। অসহায় মানুষের হাতে দানের সামগ্রী তুলে দিতে দেখা যায়। সঙ্গে সঙ্গে তোলা হয়ে যায় সে সব ছবি। এই বিষয়টি নিয়ে মুখ খুলেছেন রোহিত। বলেছেন, ফোন করে জানালে তবুই না ফোটাগ্রাফার জানতে পারবেন, যে আজ অমুক মন্দিরের বাইরে রয়েছে তমুক সেলিব্রিটি। না হলে তাঁরাই বা জানবেন কীভাবে? সরাসরি প্রশ্ন

তুলেছেন, সত্যিকারের কোনও মানবদরদী এরকম করতে পারেন?

ইদানিং আরও একটি ট্রেন্ড দেখা দিচ্ছে। সেলিব্রিটিদের এয়ারপোর্ট লুক সবসময়ই চর্চার শিরোনামে। ফটাস্ট উঠছে ছবি। এই বিষয়টি নিয়েও রীতিমতো মশকরা করেন 'সিহেম'-এর পরিচালক বলেন, এটার জন্য তো তারকাদের জামাকাপড়, অ্যাক্সেসরিজের পিছনে বাড়তি বিনিয়োগ হয়েই চলেছে। আমি প্লেন থেকে নামছি বা প্লেনে উঠছি, এই খবরটাও ফোটাগ্রাফারদের আগে থেকে জানিয়ে দেন সেলেবরা। ফোটাগ্রাফাররা সেখানে পৌঁছে যান। ছবি ওঠে এয়ারপোর্ট লুক-এর। না হলে তো সকলে চিড্ড-বানিয়ানেই যাতায়াত করতেন! পরিচালকের বক্তব্য, এই অপ্রয়োজনীয় বিষয়গুলির প্রতি মানুষ একটু বেশিই মন দিয়ে ফেলছেন ইদানিং।

দেবশ্রী রায়ের জয়যাত্রা অব্যাহত



আবারও চমক দেখিয়ে দিলেন দেবশ্রী রায়। টিআরপিতে তিন নম্বর জায়গা থেকে উঠে এলেন দ্বিতীয় স্থানে। এই ধারাবাহিকের প্রাপ্ত রোটিং ৯, পিছনে ফেলল ছোটপর্দার অন্যতম জনপ্রিয় ধারাবাহিক 'অপরাজিতা অপু'কে। ৮.৪ নম্বর নিয়ে তৃতীয় স্থানে নেমে এল অপু-দীপু। দেবশ্রীর সামনে এখন শুধু 'মিঠাই'। তবে মোদকবাড়ির আধিপত্য কেড়ে নিতেও বেশিদিন সময় লাগবে না 'সর্বজয়'র।

এই সমুদ্রে টিআরপি তালিকায় চমকে দিল 'ধুলোকণা'। ৭.৮ রোটিং পয়েন্ট নিয়ে প্রথমবার টিআরপি তালিকায় সেরা পাঁচে জয়গা করে নিল লালন-ফুলঝুরিরা। 'যমুনা ঢাকি'র সঙ্গে এই স্থান ভাগ করে নিয়েছে তারা। পাশাপাশি এই সমুদ্রে চমক দিল 'মন ফাগুন'। শন-সুজলা জুটির এই সিরিয়াল প্রথমবার সেরা দশরের তালিকায় ঢুক পড়ল। ৬.৭ রোটিং পয়েন্ট নিয়ে নবম স্থান দখল রেখেছে এই ধারাবাহিক।

অর্পিতার গণেশ বিসর্জন

গণেশ চতুর্থীতে বলিউড সুপারস্টার সলমন খানের বাড়িতে ঘটা করে গণেশ পুজোর আয়োজন করা হয়। তবে এবার সলমন 'টাইগার থ্রি' ছবির শুটিংয়ের জন্য দেশের বাইরে রয়েছেন। তাঁর অনুপস্থিতিতে গণেশ পুজোর আয়োজন করেছিলেন বোন অর্পিতা। শনিবার গণপতি নিরঞ্জনের সময় পাপারাংজির লেগবন্দি হন তিনি। সলমন না থাকলেও সেখানে হাজির ছিলেন সোহেল খান।

সোহেল এবং আয়ুশকে গণপতির একটি বড় মূর্তি বিসর্জনের জন্য বের করে আনতে দেখা যায়। অর্পিতার হাতে ছিল একটা ছোট গণপতি। খালি পায়েই প্রতিমা নিরঞ্জনে অংশ নিতে দেখা যায় তাঁদের।

ইমরের দাবি



জাতীয় পুরস্কারপ্রাপ্ত সংগীতশিল্পী ইমন চক্রবর্তীর জন্মদিন ছিল সোমবার। সেই উপলক্ষে মাঝরাতে থেকেই শুরু হয় যায় সেলিব্রেশন। জন্মদিনের সকালেই একটি সুবহর শেয়ার করলেন ইমন। সম্প্রতি ইমন তাঁর প্রোডাকশনের ইউটিউব চ্যানেলে এ আর্থ রহমানের সুর করা 'তাল' ছবির 'নহি সামনে' গানটি কভার করেছিলেন। সেই গান শুনেছেন কিংবদন্তি সংগীত পরিচালক। অনলাইনে এই গানের যত কভার সং আছে তার মধ্যে ইমরের গানটিকেই সেরা তকমা দিয়েছেন এ আর রহমান। স্বাভাবিক কারণেই আল্পত ইমন। জন্মদিন কীভাবে সেলিব্রেট করলেন? সংবাদমাধ্যমে ইমন জানালেন, এই বিশেষ দিনটিতে নিজেকে রাজকুমারী বলে মনে হয়। বিনোদন জগতের অনেকেই শুভেচ্ছা জানিয়েছেন। সবার এত শুভেচ্ছা পেয়ে আমি আল্পত।

কিছুদিন আগেই জন্মদিন উপলক্ষে কীটন গোয়েছেন ইমন। তাঁর গানটি যথেষ্ট জনপ্রিয়তা অর্জন করেছে।

হ্যারি সোহম

'কলকাতার হ্যারি' ছবিতে অভিনয় করছেন সোহম চক্রবর্তী। পাশাপাশি তিনি যুক্ত থাকছেন প্রযোজক হিসেবেও। ছবির পরিচালক রাজদীপ ঘোষ। ছবিতে সোহমের সঙ্গে রয়েছেন প্রিয়ঙ্কা সরকার। সেই ছবিরই মোশন পোস্টার টুইটারে প্রকাশ্যে আনলেন প্রিয়ঙ্কা। ক্যাপশনে অভিনেত্রী লিখেছেন, 'একটু জাদু, একটু গল্প, একটু হেঁয়ালি রূপকথা'। মোশন পোস্টারটি আনিমেটেড। সেখানে একটি হলুদ পলকারের উপর বসে তারাখসা দেখছেন তিনজন। এই ছবিতে সোহম একটি পলকারের চালক। যাঁ নাম হরিনাথ। হরিনাথই এই গল্পের হ্যারি। সে গল্প বলতে ভালোবাসে। গল্পের ভিতরে গল্প, গল্পকারের স্বপ্ন দেখার গল্প উঠে আসবে ছবির চিত্রনাট্যে।